



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1719. usque ad annum 1720

**Fleury, Claude**

**August. Vind. [u.a.], 1782**

**VD18 13322648**

§. 1. Ruthenorum Ecclesiæ Romanæ unitorum Synodus, ejusque Canones.

---

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII.

A. C. 1720.

# HISTORIÆ ECCLESIASTICÆ

CONTINUATÆ.

LIBER CCXX.

CLEMENS XI. PONTIFEX MAXIMUS  
CAROLUS VI. ROM. IMP.

§. I.

*Ruthenorum Ecclesiæ Romanæ  
Concilium, ejusque  
Canones.*

**I**neunte anno hujus sæculi vigesimo  
Kiska Archiepiscopus Metropolita-  
nus Kiovensis, Haliciensis, et  
tiusque Russiæ, Episcopus Illadim-  
riensis & Bretensis, Archimandrita  
Kyovo - Peczarensis, & Suprasliensis  
humillime Clementi XI. supplicavit,  
sibi ad Ecclesiasticam Cleri sui discipli-  
nam, veramque fidelium pietatem res-  
taurandam, eliminandosque errores  
temporum iniquitate invecos Syno-  
dum celebrare liceret. Annuit libenti-  
tissimo animo Pontifex, hancque  
rem ad præfatum totius Russiæ Metro-

politanum, universosque Ruthenos Ri-  
 tus Græci Episcopus die decima nona  
 Julii sequentes dedit literis.

Sæc. XVIII.  
 A. C. 1720.

*Venerabiles Fratres, Salutem &c.*

„Verbis exprimere non satis possum  
 „gaudium plane intimum & singulare,  
 „quo Paternum cor nostrum perfusum  
 „fuit, ubi a Congregatione Fratrum ve-  
 „nerabilium nostrorum negotiis propa-  
 „gandæ fidei præpositorum nuper ac-  
 „cepimus fraternitates vestras ad resti-  
 „tuendam in istis Ruthenæ Nationis  
 „diœcesibus veram pietatem & Eccle-  
 „siasticam disciplinam ferventi studio in-  
 „cumbere, eoque potissimum consilio,  
 „ad istam Provinciam Synodum con-  
 „venisse, ut scilicet opportunas rationes,  
 „ac salubriora remedia constitue-  
 „tis, per quæ errores temporum calami-  
 „tate, hominumque fraude investi ex-  
 „tirparentur, ac regimini vestro com-  
 „mitti Sacerdotes & populi ad sincerum  
 „cultum orthodoxæ Religionis, sine  
 „qua Deo placere nequaquam possu-  
 „mus, tum etiam ad illibatam ac in-  
 „tegram Ritus Catholici professionem  
 „revocarentur, quocirca post actas cæ-  
 „lesti Pastorum Principi humiles gratias,  
 „quod Fraternitatibus vestris piam  
 „hanc gradusque vestri amplitudine &  
 „sancti-

E e 4

Sæc. XVIII. „sanctitate maxime dignam mentem  
 A. C. 1720. „injecerit, Pontificii Muneris nobis  
 „esse ducimus, vobis effusam, meritam  
 „que tribuere laudem, & quamvis ultro  
 „bene currentibus paternæ vocis nostræ  
 „calcar admoveere, ut in suscepto reli-  
 „giosissimo proposito constanter perga-  
 „tis, sedulamque ponatis operam, ut  
 „graves illi abusus, qui in Sacrorum  
 „Minitrorum Electione, non sine  
 „magno animarum detrimento, quem  
 „admodum probe nostis, irreperunt, ex  
 „vestris diæcesibus eliminentur quam-  
 „primum, ac penitus e medio tollan-  
 „tur. Quæ quidem vota, ac desideria  
 „nostra fusius vobis explicabit vener-  
 „bilis Frater Hieronymus Archie-  
 „episcopus Edeffæ noster & Apostolica  
 „Sedis in Regno Poloniæ Nuntius,  
 „quem Nos, illustre vobis præbitum  
 „argumentum existimationis, ac amo-  
 „ris, quo Ritus Græci Professores  
 „Ruthenam inprimis Nationem omni-  
 „tempore complexi sumus, & adhuc  
 „complectimur, Synodo vestræ coram  
 „adesse, eique nostro nomine præsidere  
 „voluimus, & spiritualibus vestris ne-  
 „cessitatibus auctoritate nostra præsentem  
 „opem ferre, ac ea omnia sedulo pro-  
 „movere possit, quæ communi vestro  
 „bono, animarum saluti, divinæque  
 „gloriæ incremento utilia ac opportuna  
 „fore videbuntur. Vestrum itaque erit  
 „eum

„eundem præfulem iis honoris ac re- Sæc. XVIII.  
 „verentiæ significationibus excipere, A. C. 1720.  
 „quæ præstantibus illius virtutum or-  
 „namentis, ac inprimis conspicuo, quo  
 „a Nobis insignitus est, Muneri plane de-  
 „bentur, tum etiam iis, quæ ipse no-  
 „stro nomine vobis exponet, integram  
 „adhibere fidem, ac demum illius con-  
 „siliis & monitis, pronas & faciles  
 „præbere aures, cum pro explorato  
 „habere debeat non aliunde proficisci,  
 „quam a paterna, & sane intima, qua  
 „vos in Domino prosequimur, chari-  
 „tate, nec aliud certe spectare, quam  
 „communem vestram, totiusque Ru-  
 „thenæ Nationis Nobis commendatiffi-  
 „simæ utilitatem. Hæc autem omnia  
 „pro perspecta virtute Zeloque vestro  
 „ita præstanda a vobis fore confidimus,  
 „ut uberiora in dies ab hac sancta Sede  
 „laudum præconia, ac tandem a Re-  
 „demptore nostro amplissimam illam,  
 „quam bonis fidelibusque pastoribus  
 „pollicitus est, retributionem consequi  
 „mereamini. Eum interim enixe ro-  
 „gare non desinemus, ut sit in medio  
 „vestrum, quatenus ad illius justitiam  
 „faciendam vestra procedant eloquia,  
 „dirigantur cogitationes & opera, &c.,

Nec his contentus Pontifex, insu-  
 per Hieronymo Grimaldo Archiepiscopo  
 Edesseno tum Sedis Apostolicæ in Re-  
 gno Poloniæ Nuntio injunxit, ut in

Sæc. XVIII  
 A. C. 1720  
 eadem Synodo Præsidis vices agere, & eaque, quæ in hoc Concilio decreta forent, in suspenso teneret, eorumque executionem, donec a S. Congregatione de Propaganda Fide approbata fuerint, differret.

Igitur Metropolita hanc Synodum primo Leopoli, dein ob grassantem cholerae luelem Zamoscii habendam indixit. Die autem vigesima sexta Augusti Metropolitanus, alique tres Archiepiscopi, quinque Episcopi, & octo Archimandrite in Ecclesia B. V. & S. Nicolai Ritæ Græci convenerunt, huicque Synodo solemnium ritum initium dedere. Habebat prima Sessio, in qua præfatæ Clementis XI. ad Nuntium Apostolicum, & alia ad Russiæ Episcopos Epistolæ prælegebantur: His absolutis idem Nuntius Tridentini Concilii decreta de residentia, & de fidei professione edenda prælegi iussit: quo facto omnes & singuli in hac Synodo congregati illam fidei declarationem, quam Urbanus VIII. Orientalibus olim præscripserat, ediderunt, eamque suis chirographis munierunt.

Dein Sessio II. habita est die prima Septembris, in qua præfatus Nuntius mandavit e suggestu publicari Bullam Cænæ, Constitutionem Gregorii XII. Anno 1591. de immunitate Ecclesiastica

& Bullam: *Unigenitus* Clementis XI. Sæc. XVIII.  
 quibus omnes consenserunt. A. C. 1720.

Sessio III. habita est die 17. Septembris, in qua sequentia decreta Synodi hujus Provincialis Provinciæ Russiæ, Ritus græci uniti publice lecta fuerunt.

I. Formula fidei ab Urbano octavo græci Ritus Catholicis præscripta ab omnibus, quibus Trid. Sess. 24. c. 12. de Ref. & Pius quartus in Const. 89. præscripsit profitenda est. Symbolo fidei particula, *filioque* tam publice, quam privatim addatur. Commemoratio Romani Pontificis in sacris dypticis & Missa expressis, & claris verbis fiat. Nemo Catholicorum ad extraneos Pastores & Ecclesias accedat, Philippi cujusdam hæreses damnantur, & librorum hæreticorum lectio & impressio prohibetur juxta Decretum Tridentini.

II. Prædicatio verbi Dei & Catechizatio a Parochis non negligatur.

III. De Sacramentis eorumque administratione statuitur:

I. Forma Baptismi est: Baptizatur servus vel ferva Dei N. N. in nomine Patris & Filii & Spiritus sancti Amen. Porro dictio *Amen* ter non repetatur, uti: Baptizatur Servus Dei in Nomine Patris *Amen*, in Nomine Filii *Amen*, in Nomine Spiritus sancti *Amen*. Ne quisquam videatur, dum per personas  
 ita

Sæc. XVIII.  
A. C. 1720.

ita distinguit, trinitatem essentiae admittere. Si Sacerdos Ritus nostri infantem latini Ritus ex causa Baptizaverit ei Sacramentum Confirmationis non conferat. Parochus in locis procul distans in hyeme ob frigoris periculum in privatis domibus infantem baptizare potest. Licebit quidem Parochis juxta Ritus Orientalis Ecclesiae Oleum Catechumenorum conficere: Sed caveant ne oleum Olivarum ad id conficiendum illis desit. Consuetudo antiquissima, & haftenus in Ecclesia duntaxat Orientali retenta, infantis recens Baptizati linguam Christi sanguine intingendi, tollatur, si sine scandalo fieri possit.

II. Sacramentum Confirmationis Parochi in Orientali Ecclesia extraordinario jure, & delegata ab Episcopo facultate, & ex Apostolicæ Sedis dispensatione statim post Baptisma administrare solent, cujus materia remotum est chrisma ex Oleo & balsamo, quare siquid aromatum, aut aliorum liquorum fragrantiae causa additur, contra est, ut maxima Pars chrisma sit Oleum balsamo mixtum, forma est *signaculum doni Spiritus sancti Amen*. Non vero: *Signaculum & donum Spiritus sancti*. Episcopi quot annis in cæna Domini tantum chrisma conficiant, quantum unius anni spatio confirmandorum necessitas

cessitas postulat, confectum vero Pa- Sæc. XVIII.  
rochi aut per seipfos, aut per Decanos A. C. 1720.  
ab Episcopo accipiant, eoque accepto  
veteri non utantur.

III. Materia S. Eucharistiæ est solus panis triticeus fermentatus in orientali Ecclesia, & vinum de vite, forma consecrationis panis continetur in his verbis: *hoc est corpus meum quod pro vobis frangitur.* Et consecrationis Calicis: *hic est sanguis meus novi testamenti, qui pro vobis & multis in remissionem peccatorum effunditur.* Particulæ panis, quæ ponuntur & offeruntur circa hostiam sacerdotis in honorem Deiparæ, & aliorum sanctorum, consecrentur, & in populi communionem distribuantur. Etsi apud Orientales servetur consuetudo, infantes & rationis expertes pueros ad SS. Eucharistiam admittendi, ii tamen posthac ad S. Communionem, si ea privari sine scandalo possint, non ante admittantur, quam ipsos diligenter instructos ejus ætatis esse compertum fuerit, ut dijudicare possint corpus Domini. Usus, si quibus in locis adhuc viget, consecrandi majorem hostiam feria quinta cænæ Domini, eamque sanguine Dominico imbuendi & conservandi per totum annum, ut inde distribuatur pro infirmis, S. Synodus sublatum omnino esse voluit, cæterum pro  
infirmis

Sæc. XVIII. infirmis parochi consecrent particulas  
A. C. 1720. panis, easque singulis 8. vel 15. diebus  
 renovent.

IV. Tametsi panem tum azymum, tum fermentatum legitimam esse materiam pro sacramento conficiendo S. Synodus credit, tamen quia certum est, quemque teneri, ritum Ecclesiæ suæ servare sacerdotibus nostris non liceat in azymo consecrare sub officii & beneficii privatione, nec quis particulas panis a se consecratas audeat mittere ad Ecclesiam latinam, ut ibidem a Presbytero latino in vino ab ipso consecrato intinctæ distribuantur populis ritus græci. Compositio aquæ cum vino per Sacerdotem fiat in ipso calice immediate ante Missam æstivo tempore: hyeme vero in ipsa Missa sub Hymno cherubico. Preparationem ad Missam quisque faciat sacris indutus vestibus, & immediate ante Missam, & in eadem Ecclesia, in qua est celebraturus. Spongiarum autem ad abstergendam patenam abrogentur, digitoque abstergatur, ne SS. Christi Corpus irreverentiæ periculo exponatur: consuetudo ad consecratas Calicis species aquam tepidam affundendi post consecrationem ante communionem non habetur & abrogatur.

V. Forma sacramenti poenitentiae est  
*Ego absolvo te ab omnibus peccatis tuis.*

Sæc. XVIII.  
A. C. 1720.

peccata & circumstantiæ, quæ speciem mutant, vel notabiliter aggravant, Sacerdoti exponenda sunt. Ter saltem quotannis in resurrectione Domini, dormitione Deiparæ, & in Christi Nativitate fideles confiteantur, & communificent, triduanum jejunium pœnitentiæ sacramento præmittendum necessario non est, & satisfactioes in Monocanonibus præscriptas a confessario non expedit sequi.

VI. Extremæ unctionis materia est oleum, cujus benedicendi potestatem in Orientali Ecclesia sacerdotibus concessam eis Synodus confirmat, cum autem quidquid sacri olei post unctionem infirmi superfuerit, comburi debeat, censuit tamen S. Synodus, si eadem in domo plures ægrotaverint, sacro eodem oleo inungere licitum esse. Forma est, *sancte Pater medice celestis animarum &c.* quæ jungatur unctioni singularum partium, oculis, auribus, naribus, ori, manibus, pectori, pedibus, atque ita verba proferantur, ut eorum pronuntiatio non ante inchoetur, nec finiatur, quam ipsa unctio. Si septem aut tres sacerdotes haberi commode non possint, unus hoc sacramentum infirmo ministret.

Caveant Sacerdotes, ne vel sanis prorsus, vel nulla periculosa infirmitate labo-

Sæc. XVIII. laborantibus hoc sacramentum min-  
 A. C. 1720. strent, quod in diversis infirmitatibus  
 iterari potest. VII. In collatione minorum  
 Ordinum scilicet Lectoratus, Acco-  
 tatus, Ostiariatus, & Subdiaconatus  
 forma in novo rituali, qua antiqui  
 græci usi sunt, restituatur: In colla-  
 tione Diaconatus & Presbyteratus for-  
 ma antiqua in Ecclesia orientali *Divi-  
 na gratia - - - promovet*, &c. servetur.  
 Diacono in Presbyterum promo-  
 vendo hostia consecrata tradi debet &  
 in manibus Presbyteri committi post  
 fractionem panis, & immediate ante  
 ipsius sumptionem. Præter Lectoratum  
 & Subdiaconatum, qui conferri poterunt  
 eadem ordinatione & die, inter Subdia-  
 conatum & Diaconatum 10 Dies, item  
 que 10. inter Diaconatum & Presby-  
 teratum interponantur.

VIII. Quoniam Ritus administrandi sa-  
 cramentum Matrimonii in nostra Eccle-  
 sia idem propemodum est, qui in Ecclesia  
 latina, nulla correctione indiget. Si  
 quis autem Presbyter post collatos Or-  
 dines Matrimonio jungi, aut prima uxore  
 defuncta secundas incestas Nuptias  
 inire præsumperit, per Episcopos a  
 communione, atque Altari arceatur  
 captivetur & aliis pœnis Canonicis ab-  
 ficiatur, ut spuriam conjunctionem  
 abjiciat.

IV. No-

IV. Mores & Disciplina Ecclesia-  
fica reformantur. Sæc. XVIII.  
A. C. 1720.

V. Cum Sedes Episcopalis vacaverit, Metropolitanus vel per seipsum, vel per Episcopum viciniorem Ecclesiam administret, tam in spiritualibus, quam in temporalibus: si Metropolitana Sedes vacaverit, vicinior Episcopus eam regat.

VI. Nemo deinceps, nisi a S. Sede dispensationem obtineat, Episcopus esse possit, qui professionem Religiosam non fecerit, nemo vero profiteri valeat, qui prius intra septa Monasterii non expleverit annum probationis Regularis, & sex hebdomadas, juxta Constitutiones Ordinis D. Basilii M: Episcopi caveant, ut Presbyterorum flagellatione abstineant.

VII. Quilibet Episcopus habeat Officium sæcularem, vel regularem, qui partem oneris Episcopalis supportare queat.

VIII. Taxa pro Notario Episcopali determinetur.

IX. Proto - Presbyteri seu Decani rurales officium suum juxta statuta aliorum Conciliorum diligenter impleant.

X. Parochi nigro & longiori habitu utantur, uxorem si quis habeat, notorie adulteram, dimittat: alioquin Ministerio fungi non audeat, filios, quos

Sæc. XVIII  
A. C. 1720.

ad statum Sacerdotalem aptiores vide-  
rit, opportune erudiat, ac literis in-  
struat, & ad studia publica, vel sem-  
naria, si possit erudiendos mittat. Ec-  
clesiæ Parochiales, quæ regularibus  
ex sui fundatione, vel iusta præ-  
ceptione attributæ sunt, per regulares  
regantur, reliquæ per sæculares, ne-  
que amplius ipsorum natura mutentur.

XI. Monasteria in Congregationes  
redigantur. Archimandritæ vestitu  
rico præsertim Damasceno non utan-  
tur, nec alterius coloris, quam nigri.

XII. Monialium clausura observetur.  
Dotes puellarum, quæ ad professionem  
admitti postulant, non sit minor 1500  
Florenis in paratis pecuniis, & si quis  
ultra numerum admitti velit, dupli-  
tam dotem conferat, in reliquis statu-  
tibus aliorum Conciliorum renoventur.

XIII. De Ecclesiis, illarumque be-  
neficis non alienandis priores Canones ob-  
serventur.

XIV. De simonia statuta juris com-  
munis, & conciliorum priorum in-  
serventur.

XV. Studia instaurentur, & sem-  
naria erigantur, prout in pluribus Con-  
ciliis latinis statutum est.

XVI. Jejunium quadragesimale in-  
cipit a feria secunda post quinquagesi-  
mam usque ad S. Paschatis diem, et  
tunc

tamen præmittendum est jejunium unius Sæc. XVIII.  
 septimanæ cum lacticiniis, secundum A. C. 1720.  
 in adventu a decima quinta Novembris  
 usque ad Nativitatem Christi Domini  
 cum abstinentia a lacticiniis. Tertium  
 ante assumptionem Deiparæ Virginis a  
 prima Augusti usque ad decimam quin-  
 tam. Quartum ante festum SS. Aposto-  
 lorum Petri & Pauli a prima Dominica  
 post Pentecosten, usque ad festum eo-  
 rundem: Ad hoc tamen censuit S. Sy-  
 nodus, rusticos aliosque operarios vel  
 in parte vel in totum absolvi posse:  
 propterea quod incidit in tempus, quo  
 fruges colliguntur, eaque de caussa  
 vix servatur in Lithuania. Quintum  
 ipso festo exaltationis S. Crucis. Sextum  
 ipso festo decollationis S. Joannis Ba-  
 ptistæ. Præterea per totum annum  
 Feria quarta & sexta cujusvis heb-  
 domadæ. Festa vero celebranda sunt  
 sequentia: In Januario d. 1. circum-  
 cisio Christi Domini. & S. Basil. M. die  
 6. Epiphania, die 30. SS. Basil. M.  
 Gregorii Naz. & Joann. Chrysof. in  
 Februar. die 2. purificatio B. V. In  
 April. d. 23. S. Georg. M. in Mayo d. 8.  
 S. Joan. Ap. Evan. d. 9. translatio S. Ni-  
 col. In Junio d. 24. Nativitas S. Joann.  
 Bapt. d. 29. S. Apost. Petri & Pauli: in  
 Julio d. 20. S. Eliæ Prophetæ d. 25.  
 S. Annæ: in August d. 6. transfiguratio  
 Ff 2 Christ.

Sæc. XVIII. Christ. D. d. 15. assumptio B. V. M. d. 25.  
 A. C. 1720. decollatio. S. Joann. Bapt. in Septemb.  
d. 3. Nativ. B. M. V. d. 14. exaltatio  
 S. Crucis d. 16. B. Josaphat. M. d. 21.  
 Joan. Evang. in Octobr. protectio B. V.  
 M. in Novembr. d. 8. S. Michaelis An-  
 chang. d. 21. Præsentatio B. V. M. In De-  
 cembri d. 6. S. Nicolai d. 9. conceptio  
 B. V. M. d. 25. Nativitas D. N. J. C.  
 d. 26. S. Josephi. die 27. S. Stephanus.  
 Festa mobilia sunt: Pascha. ascensio.  
 Pentecostes, SS. Trinitatis, Corporatio  
 Christi, festum Dolorosæ B. V. M. Fe-  
 ria 16. post Pascha & omnes Domi-  
 nicæ per annum.

XVII. Georgium Palamam non  
 solum uti sanctum Coli, verum etiam  
 in Ecclesia nominari prohibet S. Syn-  
 odus sub pœnis contra Schismaticos  
 præscriptis.

XVIII. Pensiones pro deputato  
 ad tribunal Regni ex redditibus Dio-  
 cesium determinantur.

XIX. Decreta hæc in Diœcesibus  
 conventibus promulgentur.

His decretis una omnes subscripserunt  
 eaque Innocentius XIII. primum anno  
 hujus sæculi vigesimo tertio, die quarta  
 Martii, & Benedictus XIII. An. 1724  
 die decima nona Julii approbarunt &  
 confirmarunt.